

顯明念法法師

顯公法雨(二)

開光上堂等彙集



開光	一
祝賀	八
上堂	一一
傳戒	一九
疏願	二一
圓寂	二三
封舉	二五

開光

香港妙法寺萬佛寶殿落成

戍博迦尊者開光法語

顯明

十六大羅漢

戍博迦居九

釋迦命住世

與施作福田

住於香醉山

現形蔽聖儀

彌勒成覺道

辭滅入無餘

卽今為尊者開光說法一句又作麼生！

三明六通四智八解

具諸功德名稱威遠

持佛正法饒益有情

同常凡衆密受供養

令諸施主得勝果報

民國六十九年五月十一日

謝鎮安居士宅佛像安座開光法語

顯明

法身體遍無始終

報身莊嚴始無終

應身興慈示生滅

化身運悲現群倫

謝鎮安居士闔家信奉三寶，善根宿植，功德無量，所求如意，永保安祥。虔誠供奉佛菩薩，擇吉安座，請老衲開光。

心佛衆生無差別，德光本具何論開，只要衆生心垢淨，必見大地無穢塵，金石土木衆生相，眞佛經常放光明（以巾遙拭佛菩薩體，以筆遙點佛菩薩睛，以鏡周圍遍照），卽今開光一句又如何道？

能仁普渡

寂寞安然

普門應求

免難納福

法眼觀俗

慧眼知空

佛眼普照

心眼放光

開

觀音古佛也，不動本際，跡任方圓。觀音三昧經云：「昔已成佛，號正法明如來，釋迦爲彼佛做苦行弟子。」授記經云：「觀音菩薩次阿彌陀佛後，當成正覺，名普光功德山王如來。」

示修也，從聞思修入三摩地，初於聞中入流亡所，所入既寂，動靜二相了然不生，反聞聞自性，性成無上道。

赴機也，得二殊勝，一者上合十方諸佛本覺妙心，與佛如來同一慈力，二者下合一切六道衆生，與諸衆生同一悲仰，救七難除三害，應二求，以三十二應難思感應，無緣與拔。

今有美籍佛子坎居士，供奉大士尊像，請老僧爲之開光。

常寂光中寂而照，方便施化照而寂。大品云：「如來身者，不從一因一緣生。」理智不二爲體也。

以巾拭面，以筆開眼，以鏡遍照，曰：壽經云：「洗滌垢汗，顯明清白。」楞嚴云：「一根既返源，六根成解脫。」凡僧開聖眼。則凡聖不二，觀自在也。

開

一九八四年十二月廿三日

顯明於紐約大覺寺

一九八五年五月十一日為美國莊嚴寺觀音殿落成菩薩像開光法語

道場成就 駐錫神驚 伏維護法 永保繁興
菩薩安座 如響應聲 凡有所求 隨叫隨應
顯明執侍 網維百務 毘耶丈室 愧乏香積

過去正法明，未來功德山，大悲心為體，觀世音為相，施無畏為用，上同佛慈力，下與生悲仰，不為三界見，現一切色身，普門示感應。此寺係沈家楨居士一夢為緣起（美國佛教會廿週年紀念刊記），由美國佛教會暨十方信施發心共襄促成，法華經安樂行品云「若於夢中，但見妙事，見諸如來，坐獅子座……」取信至妙覺，總在一念中，般若內薰力，藉緣幻莊嚴。彩瓷觀音聖像，係張靜江夫人（張朱逸民居士）所獻，善財童子瓷像，由俞時中居士捐奉，效二王憶佛，感天工而造像，法華方便品云「若人為佛故，建立諸形像，刻雕成衆相，皆已成佛道」。

以巾拭菩薩面，語曰：以無相身，應有求心，無處不現，名觀世音。

以筆開菩薩眼，語曰：以慧為命，以物為心，尋聲救苦，名觀世音。

以鏡環之四方，語曰：至人無相，真悲無聲，感應道交，名觀世音。

偈曰：

善財福城發心，補恒洛迦聞法，南詢百一十城，未動腳根一步，智識逆順法門，無非文殊智眼。

真觀清淨觀 廣大智慧觀 悲觀及慈觀
妙音觀世音 梵音海潮音 勝彼世間音

開

顯明長老為紐約東禪寺彌勒聖像開光法語

美國紐約東禪寺浩霖上座，素修慈心三昧，志在彌勒淨土，特恭塑慈氏聖像，造福環宇，囑顯明執侍，以彰凡聖一如也。

阿逸多與文佛同事底沙如來，為讚精進，序列賢劫第五尊，先釋迦入滅，住兜率四千歲（人間四百年為兜率一晝夜），降華林園龍華樹下紹釋迦佛位。

曾於五代梁時在明州奉化示布袋和尚，自稱名契此，時號長汀子。說偈曰：我有一布袋，虛空無罣碍，展開徧十方，入時觀自在。

於岳林寺寂後，仍在他州負布袋行化。

以巾拭面，彌勒偈曰：

吾有一軀佛，世人皆不識，不塑亦不裝，不雕亦不刻，無一滴灰泥，無一點彩色，人畫畫不成，賊偷偷不得，體相本自然，清淨非拂拭，雖然是一軀，分身千百億。

以筆開眼，彌勒偈曰：

是非憎愛世偏多，仔細思量奈我何，寬卻肚腸須忍辱，豁開心地任從他，若逢知己須依分，縱遇冤家也共和，若能了此心頭事，自然證得六波羅。

以鏡普照，彌勒偈曰：

彌勒真彌勒，分身千百億，時時示時人，時人自不識！
開！

（一九八六、五、十六）

佛出娑婆界，觀音化大千，顯明駐錫處，信衆聚
寰中。今有嚴幼敏居士請老僧爲佛菩薩像開光。

佛光普照，如日麗中天，於衆生心，成等正覺。
菩薩悲憫，智光掇情識，破心微塵，出諸經卷。
以巾拭，以筆開，以鏡照，曰：人人心中有觀
音，種性界中佛有緣。

開

紐約大覺寺 八四、十二、卅

祝賀

慧炬雜誌廿五週年紀念

慧炬破長夜
焦灼無明柱

顯明敬賀

十方雜誌創刊紀念

定慧力莊嚴
以此度眾生

顯明題

佳婿淑女 結為秦晉

能相敬如賓否

能互相謙讓 白頭偕老否

百善孝為先 敬養父母 能竭其力否

三寶精髓 核心是緣 能誠信尊崇否

願

佛菩薩擁護 賢伉儷

晝吉祥

夜吉祥

晝夜六時 恆吉祥

上堂

慈雲寺傳戒會顧問^上顯^下明老法師上堂法語

龍山興慈雲 達進擊法鼓

十方同聚會 個個演毘尼

諸惡莫作、眾善奉行是戒，自淨其意是定，淨極光通是慧。出家、在家學佛者皆以戒、定、慧為修持之首要，但還須福德莊嚴。求福以布施為首，證道以無念為先。

今有某某法師信士等。各設上堂大齋一堂供佛及眾，即今上堂說法一句，又作怎麼生？（振拄杖）偈曰：

老僧學祖樣 勞煩眾龍象

善惡一念間 凡聖無兩樣

壹：香港佛教僧伽聯合會第十二屆剃度傳戒大會

得戒和尚顯明長老上堂法語

之一（七一、七、廿五）

佛教僧伽為首 妙法權實為宗
洗塵戒定慧淨 堪作人間福田

今有香港佛教僧伽聯合會舉行第十二屆剃度傳法大會，妙法寺護法林曾覺聖居士、鄭黃覺生居士、王劉覺慈居士等，為祈福消災，護法供僧，特設上堂大齋一堂供眾，以此功德迴向各姓闔家平安，眷屬吉祥，並祈願風調雨順，人民安樂，世界和平。即今上堂說法一句，又作麼生？

供養三寶是敬田 奉事父母是恩田
饒益有情是悲田 植種福田戒體淨
由戒生定定發慧 三學圓成善根生

之二（七一、七、廿九）

陞座學祖樣 勞煩眾龍象
善惡一念間 性定花自香

今有觀宗寺覺光法師、觀音寺融靈法師、及護法弟子宋果福居士、何果慈居士、陳鑑泉居士、黎素傳居士、楊素暉居士等，為祈世界和平，佛法興隆，久住世間，與會大眾戒根清淨，福慧增上，所求如意，共設上堂大齋一堂供眾，即今上堂說法一句，又作麼生？

念佛為慈悲導師 念法乃三世佛母
念僧作人天福田 念戒能清淨身心
念天令長壽安樂 念施要普濟貧窮

之三（七一、七、三〇）

妙法不可說 語言皆方便
檀信來寶島 此處是金山
有願不空回 齋僧種福田

今有周清雲居士、周陳蕊居士、胡許寶珠居士、高月桂居士、周玉屏居士、謝倪美美居士、王美居士等，為祈福消災，闔宅吉祥，並願國泰民安，風調雨順，世界和平，共設上堂大齋一堂供眾。即今上堂說法一句又作麼生？

信為道源功德母 戒為菩提善根苗
菩薩喜捨難思議 福不唐捐在康寧

貳：香港佛教僧伽聯合會第十三屆剃度傳戒大會

得戒和尚顯明長老上堂法語

之一（七二、七、一七）

人天路上福為先 供佛齋僧結勝緣
是法從來住法位 何須說妙更談玄

今有妙法寺住持洗塵大和尚，妙法精舍住持金山大和尚，欣逢僧伽剃度大會，仰祈三寶慈光加被世界和平，人民安樂，道場興隆，正法久住。並祈過、現宿業消除，身心康寧，福慧增延。更願生生世世父母師長，怨親債主蓮位上升。即今上說法一句，又作麼生！

取之不得 捨之不當
不取不捨 乃吉乃昌

之二（七二、七、一九）

沙彌戒已說 比丘戒待請
鐘鼓交參響 祇為求妙法
諸法寂滅相 何必多饒舌

今有慈航蓮院主持修證法師，欣逢僧伽剃度大會，仰祈三寶加被，過、現業障消除，身心康寧，福壽增長，敬設上堂大齋一堂，供佛及僧，與眾結緣。即今上堂說法一句，又作麼生！

窮子不失衣中寶 狂心頓歇即菩提

之三（七二、七、二三）

華嚴經云：「心佛眾生，三無差別。」阿含經云：「解脫之中，無有言說。」楞伽經云：「如來藏為善不善因。」維摩經云：「生死即涅槃，煩惱即菩提。」起信論云：「離言說相，離名字相，離心緣相。」金剛經云：「是法平等，無有高下。」仁王經云：「言語道斷，心行處滅。」心經云：「色即是空，空即是色。」法華經云：「是法不可示，言辭相寂滅。」涅槃經云：「明與無明，智者了達其性不二，無二之性即實性。」五時教典，皆明是心是佛，是心作佛。諸上善人諦聽：本性雖然是佛，釋迦三祇修福慧，彌陀六字出乾坤。

今有僧伽會第十三屆剃度傳戒大會全體戒子，為求齋戒清淨，性遮圓成，福慧兩足，羅漢請觀音，皆大歡喜。並有陪堂和尚了知法師及果慈居士等，資助圓成善舉，共設上堂大齋一堂，供佛及眾，廣結善緣。即今上堂說法一句，又作麼生！

信解修證唯了義 動靜語默盡禪機

參：基隆大覺寺民國七十二年傳戒大會羯摩和尚顯明長老上堂法語

之一（七二、七、二九）

念佛要淨念相繼，念而不念，不念而念，卽心念佛，卽心是佛。參禪要破本參，破重關，破牢關，參透衆生佛性，諸法本源。守戒要諸惡莫作，衆善奉行，自淨其意，性遮雙持。

修密要身、口、意三密相應。

止觀要寂照不二，定慧等持，三千大千同歸一念。

法界三觀，真空絕相，理事無礙，周遍含融，因賅果徹，主伴相融。

唯識五重觀，主心有境無，只存常住真心一路轉識成智。

三論依般若，破妄相，顯真性。

成實說空，俱舍說有。

畢竟空勝義有，性相立宗各不同，權說分次第，理透唯一諦。

今有本寺護法○○○等，爲擁護常住，護持戒壇，增福增慧，並祈世界和平，國泰民安，特設上堂大齋，供佛及衆，卽今上堂說法一句，又作麼生！

老僧今年六十七 風燭殘年豈不知
不肯休息弘法化 為報佛恩於萬一

之二（七二、七、三十）

六識是心理 卽心是佛

六根是生理 衆生卽佛

六塵是物理 無情有性

一念不生滅 靈光獨耀

六根纔動時 卽被雲遮

今有本寺護法○○○，欣逢傳戒大典，爲祈福消災，闔宅吉祥，福慧增延，敬設上堂大齋一堂，卽今上堂說法一句，又作麼生！

世事由來多缺陷 幻軀焉能免無常
心地清淨方為道 退步原來是向前

之三(七二、七、三一)

自行應除貪 利他切莫瞋
三毒速根拔 還我清淨身
昨夜羅剎心 今朝菩薩面
羅剎與菩薩 不隔一條線

今有本寺護法○○○等，為祈佛法興隆，久住世間，過、現宿業消除，身心康寧，福慧增延，共設上堂大齋一堂供眾，即今上堂說法一句，又作麼生！

閻王央掘回心得度 調達伽離至死不悟
心迷時湟槃成生死 心悟時生死即湟槃

之四(七二、八、一)

顯明常慚愧 無福缺智慧
手持這拄杖 學習祖師樣
經有經師講 論有論師說
老修不饒舌 動靜不踰矩
此心雖是佛 還須心作佛

今有○○○居士等，為祈福消災，闔宅安祥，並願風調雨順，國泰民安，共設上堂大齋一堂，供佛及僧，即今上堂說法一句，又作麼生！
到處水中有月 誰家灶裏無煙

肆：埔里佛光寺民國七十二年傳授五戒菩薩戒教授和尚

顯明長老上堂法語

之一（七二、六、十四）

東北稱三老 處處建道場

避秦走香江 放光到寶島

哲嗣祝百壽 峯塔法幢高

海會雲來集 梵音慶綿遙

今有本寺護法○○○居士等為護持戒壇，植種德本，各設護戒大齋一堂廣結善緣；再有本寺護法○○○居士等為增福增慧事，各設上堂大齋一堂供衆，無相布施，功德無量，必蒙諸佛菩薩加被。即今上堂說法一句又怎麼道！

邯鄲夢醒 不被眼瞞

眉梢略展 街頭吼喚

笑卻嫦娥 豈住廣寒

之二（七二、六、十五）

前三三與後三三

凡聖同住觀音山

因地心共果地覺

真俗寂照三止觀

今有本寺護法○○○居士等為護持戒壇植種德本，各設護戒大齋一堂廣結善緣；再有本寺護法○○○居士等為增福增慧事，各設上堂大齋一堂供衆，無相布施，功德無量，必蒙諸佛菩薩加被。即今上堂說法一句又怎麼道！

實相平等智 權實不二門

化成顯寶所 三乘說一車

地湧為續命 本迹施廢開

之三（七二、六、十六）

土塊泥沙是法身

運水搬柴為妙禪

紅羅扇遮仙人面

莫看仙人手中扇

今有本寺護法○○○居士等為護持戒壇植種德本，各設護戒大齋一堂廣結善緣；再有本寺護法○○○居士等為增福增慧事，各設上堂大齋一堂供衆，無相布施，功德無量，必蒙諸佛菩薩加被。即今上堂說法一句又怎麼道！

眼裏泥沙耳裏塵

心中點墨障圓明

若人識得娘生面

就路還家不太難

之四（七二、六、十七）

梅花無意寒香透 只為春風暗裏催

一鉢香積和羅飯 供養佛子具戒人

今有○○○等為護持戒壇植種德本，各設護戒大齋一堂，廣結善緣。再有○○○等為增福增慧事，各設上堂大齋一堂供衆。無相布施，功德無量，必蒙諸佛菩薩加被。即今上堂說法一句又作麼生！

戒珠光潔如明月 瓔珞莊嚴自在身

七寶池上蓮台客 盡是塵中作福人

之五（七二、六、十八）

法身真常體

二嚴解脫衣

見月休觀指

歸家不問程

今有○○○等為護持戒壇植種德本，各設護戒大齋一堂，廣結善緣。再有○○○等為增福增慧事，各設上堂大齋一堂供衆。無相布施，功德無量，必蒙諸佛菩薩加被。即今上堂說法一句又作麼生！

心即佛 佛即心 無量秤上兩頭平

水澄清 月自現 誰家沒有觀世音

傳戒

一九八五年五月十二日任美佛會莊嚴
大覺二寺傳授在家戒羯摩阿闍黎法語

披袈娑身淨 執如意心定
拂塵掃人我 振錫破牢籠

福田已耕就，快來下佛種，善根菩提苗，大悲水
滋潤，萬行因花開，莊嚴果地覺。

今有○○○寺護法○○○居士，為護持戒壇，植福
延齡，請法飯僧。一飯千金莫報，一語窮劫不
泯。論理，乾坤失色，瓦礫生輝；說事，揚聲止
響，畫蛇添足，諸上善人會也麼！（震錫）水
流風動展長舌，天青月白清淨身。

既到寶山須努力 隨手拈來總是珍
從此慧燈常照耀 人人識取本來心

今有○○○寺護法○○○居士為護戒壇，莊嚴福
慧，特設上堂大齋，供佛及僧，與眾結緣，請示
法要。所謂於食等者，於法亦等。

但自懷中解垢衣，何勞向外誇精進。鐘鼓分明常
說法。朝暮茶湯出志誠。（震錫）淨穢隨心，善
惡在己，晨鐘夕梵，水月松風，誦無量義，入海
印定。

疏
願

美國大覺莊嚴二寺精進佛七疏願文

大圓滿覺，應跡西乾，心包太虛，量週沙界。仰叩洪慈，俯垂明證，爰有一四天下，南瞻部洲，美國紐約大覺莊嚴道場，當代住持弘法沙門，效 遠公集諸賢德，專修淨業，嚴持禁戒，發菩提心，具信願行，克期取證。

淨土法門，成因法藏，啓端韋提，開陳靈鷲，流行匡廬。華嚴普賢導歸，楞嚴勢至專章，法華藥王禮讚，起信示異方便，歷代宗祖倡修於前，弟子等遵行於今。

特定於甲子年十二月十三日淨壇，十四日懺悔普佛，朝暮課誦，一心稱名，圓滿日設放大蒙山施食，七日十念功德，四恩總報，三有齊資，在生自淨其心，報滿任願而往，惟願

中天教主釋迦文佛

消災延壽藥師如來

西方接引阿彌陀佛

當來下生彌勒尊佛

大慈大悲觀世音菩薩

大勢至菩薩

大願地藏王菩薩

清淨大海衆菩薩 各寶金蓮座下

慈雲普覆，哀憐攝受，在會信衆所求如願，荐亡，亡者超昇，祈幅，消災免難。伏祈無量光壽，爲我現身，爲我垂手，證我發心，滅我宿垢，醒我愚痴，淨我身口，惠我寶蓮，出我險有，語證無生，欣厭心歇。時維民國甲子年十二月十三至二十日。

當代住持暨修齋淨業弟子等具陳上拜

圓寂

聖印大師圓寂

梵行雖立 度生未盡 任緣而往
遺留紀念在世間
變者受滅 彼不變者 原無生滅
遷居勿忘待度人

紐約顯明作禮

道源長老生西

源公長老善知識也 能行雙資言行一致
不輕後學誨人不倦 其德汪洋讚莫能窮
顯明有幸授課能仁 耳提面諭得益良多
謹述仰止摯言以奉
顯明頂禮

一九八八、八、六 於美國

封舉

榮宗長老圓寂 封棺法語

顯明

四大五蘊成身，

千錘百鍊轉真。

本來不生不滅，

何必行腳認真。

座下世壽八十二，

顯明少您十七春。

座下戒臘四十五，

顯明虛增您五夏。

座下僧臘六十六，

顯明後進十三秋。

觀宗六冬同研教，座下督學吾僧值，有緣寶島喜相逢，數次晤面識境界，祈許來日多請教，何故撒手竟歸西？良師益友甚難值，今後請益向誰訴？人生如此又奈何！座下看破得自在，莫忘娑婆待渡人。依祖例封棺說法，即今讚頌一句又作麼生？

收口攝意身不動，

關閉六情根。

見佛聞法悟無生，

乘願祈再來！

封！

榮宗老和尚圓寂荼毘舉火法語

顯明

不為名利是善知識

說行一致號曰長老

教觀總持堪稱大師

上座楷模眾人敬仰

臺中市中天寺開山住持榮宗老和尚，於中華民國七十年農曆正月初六日子時捨報往生。

榮宗長老係廣東省梅縣人，於民前十二年農曆二月十九日生，世壽八十二，僧臘六十六，戒臘四十五。畢生教宏天台，行重淨土，創建中壠寶蓮寺、臺中天寺，然世緣已盡，念佛往生。龕厝寶殿，聖號繫念，與佛共住。今當荼毘吉時，舉火送駕一句又作麼生！

性空真火燄卻煩惱柱

色心不二無處不毘盧

宗教皆通何須多嘮叨

世諦流布送駕歸安養

燒

民國七十年二月二十七日

（按：長老戒臘係依普陀山戒牒計算，據其徒提心師說，其師早已受戒，但時間、地點不詳，因師公不允其去大陸參學，將原戒牒扣留，故重新在普陀山補戒。）

七十三年元月十九日為法華寺若曇如華尼師舉火

法語：

般若性空，華現為曇，三心寂滅，斯即涅槃。
今有比丘尼若曇，如華小師，幼年出家，捨報歸西，與老僧有緣，送你安養。盼能神識有知，切莫徬徨，聽我開導：

四大本空，五蘊是幻，諸緣放下，身心泰然。
燒

七十三年二月十九日為雙溪聖南寺性嚴尼師封棺

法語：

人人稱你小師父，今年壽當四十三
四大失調唯佛念，臨終含笑眾疑生
壽終正寢友助念，顯明趕來送雲程

性嚴師，神識不泯，聽我開導：

色身轉法身，生命換慧命，
生前結人緣，滅後佛有緣。

封

七十三年元月二十一日為黃利吉居士封棺舉火

法語：

皈依三寶具佛戒，聽罷法華禮壽佛
如此善根稱希有，世緣應該一筆鈎

今有黃利吉居士，生為師表，發心皈依，又受菩薩戒，聞法專誠，已具三福，必獲彌陀接引，即今封棺舉火一句，又作麼生！

幻軀終必壞，真心永寂然，隨緣差別相，
不變體大同，淨穢繫一念，何必存取捨，

道友送雲路，仍見笑顏中。

封後燒



佛隴影音

日期：二〇二四年一月二十一日
版本：2024.01.21
網址：<http://www.forlong.us>



佛隴網站